

در سعادته یکی پرسته خانه قاروشونده
 اثره مخصوصه در
 محل اداره:

مراط قلم

۱۳۲۶

انظار:
 سلكمزه موافق آثار جديده مع المنويه قبول اولنور
 درج اديبين آثار اعاده اولنور

دين، فلسفه، ادبيات، حقوق و علوم دن باحث هفته لق رساله در

در سعادته نسخه سی ۵۰ پاره در

قيريله دن مقوا بورو ايله كوندريليرسه سنوی
 ۲۰ غروش فضله آلنير.

در سعادته پرسته ايله كوندريليرسه ولايات بدلی اخذ اولنور.

مؤسسلى: ابو العلا زين العابدين - ح. اشرف اديب

تاریخ تأسیسی:
 ۱۱ تموز ۳۲۴

در سعادته	سنه لکى	القي اياقى
	۶۵	۳۵
ولایاتده	۹۰	۵۰
ممالک اجنبیهده	۹۰	۵۰ غروشدر

برنجی سنه

۳۲۶ ذی الحجه ۷ پنجشنبه ۱۸ کانون اول ۳۲۴

عدد: ۱۹

وامرت لاعدل بینکم الله ربنا وربکم لنا اعمالنا ولکم اعمالکم لاجة بیننا و بینکم الله بجمع بیننا والیه المصیر [دیدی. ایشته اورسول کریم جمیع انبیاء و مرسلین و جمیع کتب الہیہ ایمان ایتملکمزى امر ایتدی. و بونی دینک قاعدہ سی، ایمانک عمدہ سی قیلدی. صوکرک خیرک کلیسی بزه امر و شرک کلیسندن بزی نہی ایتدی. و ناموس اخلاقی بزه تشریع ایدوب طریق کالاتی بزه تعریف ایتدی. و بزدن نزعة حقد و تعصب ذمی احمأ ایلدی. صلی الله علیه وسلم.

ایمدی بو دیندن باشقه هانکی بر دین درکه - ادیان حقندہ کثرت شکوک واقع اولان بو عصرده - اکا اتباع و آنکله عمل ممکن اولسون. و بو دیندن باشقه هانکی دین درکه آندہ علم لاهوت اشراق ایتسونده اصحاب ملک حق تعالی حقندہ جهلاً و افکار و ظنون سابقینہ تقلیداً ایراد ایتدکری اساطیر و خرافاتہ عدو اولسون. الحمد لله علی دین الاسلام. مقاله مزده ژاپونیا ده کی ادیان قونغرہ سنہ ایراد و اشارت ایلدی کمز شیلرک مجموعہ بر علاوہ موجزه و مفیدہ اولمق اوزره بر طاقم نقاط مهمہ بی ده در میان ایلہ مشدک. نقاط مذکورہ اولہ نقطہ لر درکه قلبی عالم اسلامہ بر توجیہ اضطراری ایلہ توجیہ ایدر و بالخاصہ نظر رغبتی استجلاب ایلر. ایشته مقاله مزده دیمش ایدک کہ :

اولا - اسلام وحی الہی ایلہ اولان ادیانک آخری در. بو اعتبارہ کورہ دین اسلامک دیانات سائرہ اولان وجوہ امتیازی ظاهر و باہر در. زیرا ہر شیئک اخیرى ماتقدمند، اولیان وجوہ امتیاز و کالی حائز اولدینی درکار در.

ثانیاً - قرآن مبینہ صراحت وارد درکہ رسول اسلام حضرت محمد علیہ السلام مرسلینک آخری و انبیانک خاتمى در و کافہ ناسہ ارسال بیورلمش در. قال تعالی [ما کان محمد اباً احد من رجالکم ولكن رسول الله وخاتم النبیین] وقال تعالی [وما ارسلناک الا کافۃ للناس بشیراً و نذیراً] حال بوکہ کتب منزلہ سائرہ دن و الان بینزده بولنان ادیان موجودہ دن هیچ بری بویلہ بر صراحتی جامع دکل در. بودانک کتابی آنجق براہمہ دینک اصلاحی ایچون ارسال اولندیغنی بیان ایدیور. کتاب موسی بنی اسرائیلہ ارسال اولندیغنی تصریح ایلدیور. و کذا کتاب عیسی دخی بنی اسرائیلہ کوندردلیکنی کوسترمکده در. و ایشته دین اسلامہ و بنای اسلامہ رغبت و التفات نظرک ایجاب ایتدیکی و آنی ادیان سائرہ میانندہ ممتاز ایلدیکی شیئک بریسی ده بو صراحت کاملہ سی در. ثالثاً - وقتا کہ اسلام بر دین عمومی اولدیسہ خالق تعالی و تقدس حضرتلرینک شرع شرفی شعوب و قبائلک ابیض و اصفر و احمر و اودینی ربط ایچون امتیازات اجناس و عناصری محو و عصیت قومیهی رفع ایتدی و بین الاسلام مساوات کاملہ عمومیهنک مبدائی تقریر و انسانلرک عمومی عالمہ واحده دن عبارت اولوب بابالرینک آدم، آنالرینک حوا علیہما السلام اولدیغنی تصریح ایلدی. و انسانیتک شعوب و قبائلدن مرکب اولمسی منازعه و مقاتلہ ایچون دکل تعارف و تبادل منافع ایچون اولدیغنی بزلرہ بیلدیردی. نتکیم جناب واجب الوجود نوع انسانینک عمومہ خطاباً [یاایہا الناس انا خلقناکم من ذکر و انثی و جعلناکم

سوق ایتسون. سادکی طبیعتہ اک یافین اولان، نظام خلقتی، قوانین کونیهی ادراکدن اک اوزاق قالان قبائل آراسندہ غربب قالمش بر ذات بوتون نوع بشر ایچون اصول و قواعد شریعتی وضع و تعیین ایتسون. سعادتہ اولہ شہراہلر آچسون کہ سالکری تہلکہ خسرانندن قورتولسون، تارکری ایسہ طریق نجاتی اصلا بولہ مسون. ندر او علوی خطابلر ! نہ در اومسکت جواب !

انسانک ماہیتی، حقیقتی عقلری طور دیران اودات عالیصفاتک بو حالرینہ نظر عبرتہ باقمہ [ماہذا بشران ان هذا الالهک کریم] دیہ جکی کلور. لکن خیر بزونی سولایز. آنی دائرہ بشریتدن خارج طوتماملہ برابر صنف ملائکدن معدود اولمقندہ منزہ و تعالی عد ایدر. بز [انما انا بشر مثکم یوحی الی] آیت کریمہ سنی شان عالیسنہ اک مکمل تعریف اولمق اوزرہ طائیز. او محبوب خدا، اوزبدہ کمل اصفیای بالجلہ انبیای تصدیق ایتش برنجی در. لکن کندی نبوت و رسالتی حقندہ دلیل مقنع اولمق اوزرہ کوزلری قاشدیرہ جق، حواس و مشاعرى تدهیش ایدہ جک خوارق کوسترمدی. ہر قوت انسانیه مختص لہی اولان ایشی یابدیرمفی تکلیف ایتدیکی صرہده عقل انسانى بی ده خطاب الہی بی ثقلہ مأمور ایتدی. خطای صوابدن تمیز ایتک وظیفہ سنی اکا تحمیل ایلدی. کمال حجت و برہانی کلامک قوتہ. بلاغک قہر و غلبہ سنہ دلیلمک صحتہ تودیع ایتدی. آیات بینات الہیہی ایشته مدارک عقولہ اک قریب اولان بو صورت واضحہده اثبات ایلدی [وانه لکتاب عزیز لایاتیہ الباطل من بین یدیدہ و لا من خلفہ تنزیل من حکیم حید].

احمد نعیم

سفیر الاسلام الی سائر الاقوام

مقالہ مجعوث غمائم شو حده بالغ و رسیدہ اولمسی اوزرینہ ینہ سوزمزه دوام ایدرک دیدک کہ :- ایشته اورسول کریم درکہ جناب حق آنی رحمتہ للعالمین اولہرق ارسال بیورمش و تاریخ حیات شریفہ سنک ابتداسندن صوکنہ قدر زهد و عبادت و تواضع و مکرمتلہ و زخارف دنیادن ہمہ و محاببتلہ کذران اولمسی کندیلرینک مجعوث بالحق مرسلین عظامدن اولدقزینہ قطعاً و واضحاً دلالت ایلین ذات عالیقدر بزه کلش و طرف اقدس الہیدن [یاایہا الناس قد جاءکم برہان من ربکم و انزلنا الیکم نوراً مبیناً فاما الذین آمنوا باللہ و اعتمصبوبہ فسیدخلہم فی رحۃ منہ و فضل و یمدیہم الیہ صراطاً مستقیماً] آیات بیناتیلہ رہبری طریق ہدایت و سعادت اولمش در. ایشته اورسول کلدی و وحی الہی ایلہ بزه [شرع لکم من الدین ماوصی بہ نوحاً و الذی اوحینا الیک و ماوصینا بہ ابراہیم و موسی و عیسی ان اقیموال دین و لاتفرقوا فیہ کبر علی المشرکین ماتدعوہم الیہ الله یجتبی الیہ من یشاء و یمدی الیہ من ینیب و ماتفرقوا الا من بعد ما جاءہم العلم بغیا بینہم و لولا کلمۃ سبقت من ربک الی اجل مسمی لفضی بینہم و ان الذین اورثوا الکتاب من بعدہم انی شک منہ مرہب فلذلک فادع و استقم کمامرت و قل آمنت بما انزل الله من کتاب

شعوباً و قبائل لتعارفوا ان اكرمکم عندالله اتقاکم [بیوردی .

رابعاً — کتاب اسلامك نصیح و مواعظ و ارشاد و هدایتله قصدی برامت خاصه و شعبه معینه اولیوب خطابی نوع بنی بشرک عمومند در . زیرا که بر دین عمومی در . تنکیم حق تعالی بیوردی : [یاایها الناس قد جاءکم برهان من ربکم وانزلنا الیکم نوراً مبیناً] و قوله تعالی : [یاایها الناس اتقوا ربکم ان زلزلة الساعة شیء عظیم ... الخ]

خامساً — قرآن کریم نوامیس شریعت و اخلاق و هیأت اجتماعیه خصوصند آنجق اصل الاصول اولان اصول اولیه و قوانین کلیه بی حاوی اولوب جزئیات و فرعیاتی علی حسب الزمان و المكان کتاب الله و سنت رسول الله و استنباط قوت و استطاعتی حائز اولان اهل اجتهاده ترک ایتش در . بوکا مثالزده جناب واجب الوجود شریعتده بزه مبدأ عدل مطلق و اساس مساواتی تخصیص و تصریح بیورمی در . استعید بالله : [یاایها الناس انا خلقناکم من ذکر و انثی و جعلناکم شعوباً و قبائل لتعارفوا ان اكرمکم عندالله اتقاکم .] و [ان الله یأمرکم ان تؤدوا الامانات الی اهلها و اذا حکمتم بین الناس ان تحکموا بالعدل ...] آیات جلیله سی در که دعوازه برهان در . و صوکره شو ایکی اصلدن و بونلره مماثل اصول اخلاقدن کتاب و سنته مراعی اولدقلری حالده احوال زمان و مکان و احتیاجاته کوره نفسلری ایچون بر شریعت عادل و جوده کتیرملرینی مسلمانلره واجب قیلدی . بوجوب اوزرینه در که مسلمون اولون قرن ثانی و ثالثده بالاجتهاد احیای شریعت غرایه قائم اولدیلر . مؤخرآ مسلمینده حرکت اجتهاد امته طریان ایدن ضعف اوزرینه توقف ایتدی . فکر حاجزی به کوره ائمه معامین و علمای عاملیندن شرط اجتهادی تمامیه جامع اولانلر ایچون باب اجتهاد الی یوم القیامه مفتوح در . سادساً — مساححه دینه حریت مذهبه شودین حنیفینک اصولندن در . محقق در که جناب واجب الوجود بودین مبینی قواعد علمیة عالییه ایله تشید بیورمش و نفس مؤمنده حقد دینی ایچون بر محل بر اقامش در . شو قواعد علمیة ایسه نوع انسانینک عقل و نظری مقتضاسنجه عقائدده مختلف اولملری حکمت بالغه الهیه سی اقتضاسندن اولدیفنی جناب رب عزتک بزه تعلیم بیورمی در . قال تعالی : [ولوشاء ربک لجعل الناس امة واحدة و لا یزالون مختلفین الا من رحم ربک و لذلك خلقهم] و بر کیمسه دیگر کیمسه بی آنجق اللهک اذن و هدایتله کنندی مذهبه اهتدا ایتدیرمه موفق و مقتدر اولدیفنی بیلدیرمی در . حتی حبیب اکرمه بیله [انک لاتهدی من احببت و لکن الله یرہدی من یشاء] بیوردی . و قال تعالی [افانت تکره الناس حتی یكونوا مؤمنین و ما کان لنفس ان تؤمن الا باذن الله و یجعل الرجس علی الذین لا یعقلون] غیرک عقیده سنه تعرض و تجاوزله تسلط ایتک هیچ کیمسه ویرلمش در . قال تعالی : [لست علیهم بمسيطر] [لست علیهم بجبار] [لست علیهم بوکیل] . ایتدی بر مسلمان ادیانده اتمک اختلافی جناب علیم و حکیمک مقتضای اراده سندن اولدیفنی و بواختلاف عقول و مدارکک درجه سنه تابع بولندیفنی و بر انسان آنجق اذن الهی ایله بر کیمسه بی هدایت و ارشاده موفق اوله بیله جکنی و کیمسه نک عقائد و جنایه سنه تسلط و تعرض ایدلمه مسنی

و بر کیمسه ایمان ایله اکراه و اجبار ایدلمه مسنی بیلدیکی وقت او مؤمنک قلبندن اثر حقد دینی محو و مضمحل اولوب رحمت الهیه دن مقتبس بر رحمت عالییه ایله منور الصدر اولور و ادیان سائر اربابیه معاملات و معاشرت خصوصند — مؤمنلری قتل و دینندن ، دیارندن ، اهلندن اخراج و تبید ایتدیکه — عدل و قسط ایله کیریشیر . کما قال تعالی : [لا ینهاکم الله عن الذین لم یقاتلوکم فی الدین ولم یخرجوکم من دیارکم ان تبوههم — ای تکنونوا بارین بهم — و تقسطوا الیهم — ای و تعدلوا معهم — ان الله یحب المقسطین] اناینهاکم الله عن الذین قاتلوکم فی الدین و اخرجوکم من دیارکم و ظاهر و اعلی اخراجکم ان تولوهم — ای تخذوهم اولیاء ای احباباً — و من یتولهم فاولئک هم الظالمون] شو آیت کریمه مسلمینی دینندن اخراج ایچون مقاتله ایدنلری احباب اتخاذ ایتلکدن مسلمانلری نهی ایدرسده آنلره ظلم ایتکی امر ایتمز و وجه آمن الوجوه برضد عدل ایله آنلره اسائت ایلکی روا کورمز . قال تعالی : [ولا یجرمنکم شأن قوم علی ان لا تعدلوا اعدلوا هو اقرب للتقوی] — ای ولا تحملنکم عداوتکم لقوم علی ظلمهم بل اعدلوا معهم هوا قرب للتقوی .

جناب حق موطن قتالده بیله مسلمه عدلی امر و توصیه بیورمشدر . قال تعالی : [وقاتلوا فی سبیل الله الذین یقاتلونکم و لا تعمدوا ان الله لا یحب المعتدین] .

ایندی دیرزکه شواست مرحومه محمدیه من طرف الله افاضه بیوریلان شو عدل الهی ، شونور ربانی ، شو حکمت عالییه ام ارضدن حاضر و غایر اولان هیچ برامته سبق ایتده مشدر . عناد و مکابره ایدنلر وارسه خلافی اثبات ایتلری ایچون ایشته میدان .

سابعاً — حریت و جدمان و اعتقادی اسلام تقریر ایتشدر . بوده مدنیتهک اصل و اساس محکمی در . قال تعالی : [وقل الحق من ربکم فمن شاء فلیؤمن و من شاء فلیکفر] دین اسلامک تأسیس ایتدیکی بو حریت فرانسزلرک ابراز ایلدکلری ثورت و شدت نتیجه سنده آنجق قرن ماضیده اوروپاده ظاهر اولمغه باشلامش در . آیت جلیله مذکوره مؤدای کریمجه هر انسان عقل و اراده سیله کنندینک اختیار ایلدیکنی دین اتخاذ ایلدی حقدده حر در .

ثامناً — دین اسلامده — ادیان سائر ده اولدیفنی کبی — اصول و فروع دینده حل و عقده قاریشیر و خاق دینده تقریر ایدن شیئه اتباعه چالیشیر بر هیأت روحانیه و ریاست دینه یوقدر .

احمد جمال

روحا نیت — جسمانیت

جمله نک معلومی اولدیفنی اوزره جنس حیوان و انک تحتنده کی انواعدن بر نوع شریف و ممتازی بولنان انسان دخی روح ایله جسمدن مرکب و ایکسینک تلاحق و اختلاطیه قابل اولدیفنی قوای مادیه و معنویه دن متشکلدر . حیوان افطنتک معناسی مطلقا صاحب حیات ، جالی بر مخلوق دینه تعیین اولنورسه پک چوق و جوداته شامل اولاجنی کبی کنندینه